

# PLEIV SUMVITG

## Radunonza da pleiv 2022/01

### Protocol

datum e temps	<b>mardis, 31-05-2022, allas 20.00</b>
liug	scola, Rabius
envidai	parochianas e parochinas pleiv Sumvitg
perstgisas	Alfonsina Vincenz, Surrein, Andrea Schmed, Surrein, Doris Janka, Trun, Marcus ed Anna Maria Duff, Laus, Manuela Tuor, Sumvitg, Marcel Pöhl, Rabius, Thomas Bieler, Rabius, Giuanna Albin, Surrein, Iris Nwachukwu, Rabius, Cornelia Deplazes, Surrein
presents	27
absolut pli	14

### Tractandas

<b>1</b>	Beinvegni
<b>2</b>	Elecziun da 2 dumbravuschs
<b>3</b>	Approbaziun dil protocol dalla radunonza da pleiv dils 25-05-2021
<b>4</b>	Rapport dil president
<b>5</b>	Rapport dalla menadra dil cussegl pastoral
<b>6</b>	Presentaziun dil quen annual 2021
<b>7</b>	Rapport dils revisurs ed approbaziun dil quen 2021
<b>8</b>	Presentaziun ed approbaziun dil preventiv 2022
<b>9</b>	Fixaziun dil pei da taglia per 2023
<b>10</b>	Elecziun d'ina commembra ni d'in commember dil cussegl pastoral
<b>11</b>	Orientaziuns
<b>12</b>	Varia

### **1. Beinvegni**

Il president Walter Deplazes arva la radunonza e beneventa ils presents. La gliesta da tractandas vegn approbada unanimamein.

### **2. Elecziun da 2 dumbravuschs**

Sco dumbravuschs vegnan Erwin Gienal, Sumvitg e Fabian Bearth, Rabiis proponi ed elegi.

### **3. Approbaziun dil protocol dalla radunonza da pleiv dils 25-05-2021**

Il protocol dalla davosa radunonza da pleiv ei staus exponius en tuttas baselgias per investa e tgi che ha vuliu ha saviu prender in exemplar a casa.

Il protocol vegn approbaus unanimamein.

### **4. Rapport dil president**

En siu extendiu e detagliau rapport lai il president Walter Deplazes repassar il curriu e passau duront igl onn vargau ed engrazia cordialmein a tuts involvai sin ina moda ni l'otra.

*(Il rapport ei disponibels silla pagina d'internet [www.pleivsumvitg.ch](http://www.pleivsumvitg.ch)).*

### **5. Rapport dalla menadra dil cussegl pastoral**

La menadra dil cussegl pastoral Gabriela Lutz rapporta sur dall'activitad da quei gremi dapi la davosa radunonza da pleiv.

Ella menziunescha ch'il cussegl pastoral ha saviu far il rorate cun solver per las scolas da Rabiis, sco era ils aperos da dumengi'alva a Rabiis ed igl apero dalla fiasta da creisma a Surrein. La dumengia, ils 29 d'uost ha il cussegl pastoral envidau sut il moto "generaziuns s'entaupan" ad in survetsch divin el liber a Plaun Petschen. Ils 2 d'october ha sur Saji envidau representantas e representants dallas uniuns da giuventetgna ad in scomi da meinis cun la suprastonza da pleiv e la menadra dil cussegl pastoral.

Duront igl advent ha il cussegl pastoral tschentau ellas baselgias parochialas per mint'jamna ina historia cun impuls ed era prelegiu quellas mintgamai la

sonda pils affons. En mintga baselgia ei vegniu tschentau ina plonta vid la quala ei vegn pendiu ina crusch per aschia regurdar vid ils defuncts duront igl onn ora.

Las dumengias da suppa ch'eran previdas els treis vitgs duront il meins da mars han stuiu vegnir annulladas muort corona. Quellas dueien haver liug il meins da november.

Ils 20 da settember organisescha il cussegl pastoral in viada a Madonna del Sasso per l'entira pleiv.

#### **6. Presentaziun dil quen annual 2021**

Il quen annual 2021 ei vegnius repartius a tuttas casadas da nossa pleiv.

L'administratura Giuliana Gienal presenta il quen culs detagls leutier.

Il quen siara cun in surpli d'entradas da frs. 2'154.78.

#### **7. Rapport dils revisurs ed approbaziun dil quen 2021**

La revisiun dil quen ei vegnida fatga da nossa cumissiun da gestiun dalla quala fan part:

- Cornelia Deplazes, Surrein,
- Thomas Bieler, Rabiun,
- Fabian Collenberg, Sumvitg.

Fabian Collenberg presenta il rapport da revisiun e propona d'approbar il quen sco presentaus.

Il quen vegn approbaus unanimamein.

#### **8. Presentaziun ed approbaziun dil preventiv 2022**

L'administratura Giuliana Gienal presenta il preventiv 2022.

Il quen current preveda in surpli d'entradas da frs 2'949.00.

Il preventiv dil quen current per igl onn 2022 vegn approbaus unanimamein.

### **9. Fixaziun dil pei da taglia 2023**

La surpastonza propona da fixar il pei da taglia pigl onn 2023 sco tochen dacheu sin 18 % dalla taglia semplia dil cantun.

La propostas dalla suprastonza vegn approvada unanimamein.

### **10. Elecziun d'ina commembra ni d'in commember dil cussegl pastoral**

Sin questa radunonza da pleiv ha Doris Janka abdicau sco commembra dil cussegl pastoral. La Doris ei vegnida elegida igl onn 2014 dalla radunonza dall'anteriura pleiv da Surrein el cussegl pastoral, ei pia gia dapi 8 onns activa en quei gremi. Ella ei s'engaschada cun plascher ed anim a caschun dallas differentas occasiuns dil cussegl pastoral. Era sch'ella ei avon entgins onns secasada a Trun eis ella restada vinavon activa el cussegl pastoral.

En num dall'entira pleiv engrazia il president grondamein alla Doris per siu zun preziau engaschi el cussegl pastoral da Surrein ed dalla pleiv Sumvitg.

Legreivlamein ha Rosmarie Maissen-Di Nolfi schau perschuer da surprendre quei post.

Rosmarie Maissen-Di Nolfi vegn elegida unanimamein.

### **11. Orientaziuns**

#### **1. Fiastas da baselgia**

dumengia, 12 da zecladur	Sontgilcrest per Rabius e Surrein a Rabius
gievgia, ils 16 da zercladur	Sontgilcrest a Sumvitg
dumengia, ils 19 da zercladur	Sogn Mudest / perdanonza a Sumvitg cun pader Andri Tuor dalla claustra dad Engelberg
dumengia, ils 28 d'uost	Cor da Maria / perdanonza a Surrein
dumengia, ils 4 da settember	Num da Maria / perdanonza a Rabius

## 2. Plevon

Sur Saji ha aunc dabien entgins dis da vacanzas e dis per exerchezis ed ei perquei absents naven dils 27 da zercladur entochen ils 15 da fenadur. La pastoraziun dallas 2 fins d'jamna sorprendan sur Alexi Manetsch e sur Giusep Venzin. Las messas dils luverdis durent quei temps organisescha sur Saji.

## 3. Plaz cadruvi Rabijs

L'uniun Rabijs Anavon vul dar ina formaziun nova al plaz cadruvi da Rabijs ed ha perquei incaricau ina gruppa d'architects da Rabijs cull'elaboraziun dad in project corrispudent.

Il plaz cadruvi sez ei part dalla parcella culla baselgia e s'auda perquei alla fundaziun ecclesiastica baselgia da Nossadunna Rabijs. Els ulteriurs vischinadis ei il plaz cadruvi sin ina parcella dalla vischnaunca e s'auda perquei alla vischnaunca che procura era pil manteniment etc. da quel. Per haver a Rabijs la medema situaziun leva la suprastonza dalla pleiv vender giu la part dil plaz cadruvi alla vischnaunca.

Igl ordinariat digl uestgiu da Cuera che sto dar siu consentiment a tuttas midadas da maun da terren dallas fundaziuns che appartegnan allas pleivs, ha renviu quei consentiment. Aschia duei vegnir dau in **dretg da baghegiar** alla vischnaunca per quella part dil plaz cadruvi che duei vegnir formada da niev. La proxima radunonza da pleiv vegn a s'occupar cun quei dretg da baghegiar.

## 4. Organist Flurin Monn

Cun 12 onns ha Flurin Monn entschiet a sunar l'orgla ella baselgia da Sumvitg sco substitud digl organist Armon Bearth. Uonn sa il Flurin festivar il giubileum da 10 onns organist ed ei en quei temps daventaus in ver meister sin quei instrument. Il president gratulescha al Flurin ed engrazia ad el grondamein per siu prezius survetsch sperond ch'el resti aunc ditg fideivels a nus sco organist.

## 12. Varia

Sur Saji engrazia per la beingartegiada fiasta d'installaziun e la confidonza demussada enviers el.

El engrazia era a tut che segida sin ina moda u l'otra ella pastoraziun.

Roswita Deplazes che fa la decoraziun da fluras en baselgia a Surrein menziunescha ch'ei seigi fetg grev da cumbinar las fluras cun il teppi che ha in muster. Ella anfla ch'ei fuss bien da midar ora quel e metter in teppi uni.

Paul Venzin constatescha che la distanza denter las retschas d'urnas el santeri da Rabius seigi memia pintga e che la sadiala per deponer curdem verd seigi memia pintga.

Rabius, 04.06.2022

Igl actuar  
Armin Candinas

Il president  
Walter Deplazes